

Inatsisartut suleriaasianni § 33 naapertorlugu aalajangiiffigisassatut siunnersuut, Naalakkersuisut matumuuna saqqummiuppaat:

Inatsisartut aalajangiiffigisassaattut siunnersuut Namminersorlutik Oqartussat ilalissagaat piginneqqaartussaataaneq pillugu inatsisip Kalaallit Nunaanni atortuulersinneqarnissaa Kunngip peqqussutaatigut

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

1. Peqqussutip imai

Danskit kulturministeriaqarfiata Namminersorlutik Oqartussanut nassiussimavaa Kalaallit Nunaanni peqqussutissamut siunnersuut piginneqqaartussaataanermut oqaaseqarfigisassatut. Tamatumunnga peqatigitillugu peqqussutip imaanik aammalu tunuliaqutaanik nassuiaasumik eqikkakkamik nassiussisoqarpoq. Peqqussummut siunnersuut ilanngussaaq 1-itut aammalu eqikkaaneq ilanngussaaq 2-tut kakkiunneqarput.

Peqqussummut maanna Kalaallit Nunaannut atortuusumut nr. 561, ulloq 7. juni 2006-imeersumut Kalaallit Nunaanut inatsisikkut atortuulersinneqarsimasumut sanilliullugu kingornagut danskit aamma nunarsuarmit piginneqqaartussaataanermut inatsisiliorneranni arlaqartunik allannguuteqartitsisoqartarsimavoq. Taakkua pingaarnertut teknologiimi ineriartornermut tunngasuusarput ingammillu elektroniskiusumik ingerlatsinermi, kiisalu aamma annertusisamik soqutiginninnermut anersaakkut pisinnaatitaaffinnik niueruteqartarnermut atatillugu EU-mi aqutsinermut. Pineqarput allannguutit Kalaallit Nunaanni ullutsinnut naleqqunnerusunik nutaaliaanerusunik tulluarnerusunillu inatsisiliornermik kinguneqarsinnaasut.

Tamannalu tunuliaqutaralugu nalilerneqarpoq kissaatiginartutut nutarteriffigissallugu piginnittussaataaneq pillugu inatsit maanna atuuttoq, suliaasaqarfimmi tamatumani ineriartornermut naleqquttumik. Tamanna siunnerfigalugu pilersitsisoqarnissaa killiliussanik pitsaanerpaanik kalaallit eqqumiitsuliortut piginnittussaataanerannut nunat killeqarfii akimorlugit. Ilutigisaanik anguniarneqassaaq piginnittussaataanermut malittarisassat ullutsinnut naleqquttunngortinneqarnissaat, piginnittuunermut aalajangersakkat nunat killeqarfii akimorlugit suleqatigiinnermut naleqqussarumallugit, ilutigisaanillu nunatsinni malittarisassat naleqqussarlugit.

Siunnersuut suliaavoq tunuliaqutaralugu piginnittussaataanermut inatsimmut nalunaarut nr. 1144, 23. oktober 2014-imeersoq, ilassutigalugillu malittarisassat inatsimmi nr. 719, 8. juni 2018-imeersut.

Allannguutit kingunerissavaat ataatsimut isigaluni piginnittussaataanermut inatsisiliornermi pitsannguutit, allannguinerit annikitsut arlaqartut aqutigalugit, nunatsinni piginnittussaataanermut inatsisiliornermi aqutsinermut pingaaruteqartut.

Naallu allannguutit imatut annertussuseqanngikkaluartoq ataatsimut peqqussusiamik nutaamik suliaqarnissamut tunngaviliillutik, pissusissamisoernerutissimavaat Naalakkersuisut peqqussummi nutaami allannguutit ataatsimoortut katersornissaat suliap paasiuminassusia pitsaanerpaatikkumallugu.

Siunnersuummi allannguutit aammalu taakkua kingunerisassaat maanna peqqussummut atuuttumut sanilliullugit assigiinngitsutigut sunniteqartussaammata allannguutit immikkoortukkaarlugit tulliuuttuni allaaserineqarput.

- §§ 16-16b pisortani toqqorsivinnut, atuagaateqarfinnut aamma katersugaasivinnut immikkut akuersissutinik assigiinngitsunik kinguneqarput. Taamaattoq danskit malittarisassaarlarqartut katersugaasiveqarnermut inatsimmik aamma tunniussisartussaanimik pissusaaffeqarnermut inatsimmik Kalaallit Nunaanilu atuutinngitsunik imaqartut peqqussummi mininneqarput. Allannguutip kinguneraa ingerlatsiviit pineqartut pilersitat assiginik sanatitsisarsinnaasut illersuinissamik siunertaqartumik, imaluunniit saqqummersitsisarfimmi taakkua pissarsiarineqarsinnaajunnaarsimappata. § 16-imi pineqarput immikkut sanatitsisarsinnaanerit ingerlatsiviup ingerlassinnaasai ingerlatsiviup pissusaaffii naammassisinnaajumallugit, assersuutigalugu toqqortaqartussaannermut atatillugu.

Kiisalu aamma § 16a aqutugalugu periarfissiisoqarpoq pisinnaatitaanermik pilersitanik tamanut saqqummiunneqareersimasunik inunnut ataasiakkaanut atugassiisinaanermut, nammineq taakkua inuttut pilersitanik pineqartunik misissuisinnaaneri eqqarsaatigalugit teknikkimut atortorissaarutinik iluaquteqarlutik. Tamatumunnga atatillugu assersuutigalugu cd-nik tusarnaarsinnaanermut atortorissaarummik atugassiisoqartassaaq, atuisoq nipilersukkanik atuakkanik atorniartarfimmiittunik tusarnaarsinnaaqullugu, nipilersukkalli tusarnaarneqartassapput atuisup ataatsip nammineq kisimi tusarnaarsinnaasaanik. § 16b qularnaarivoq licens-imut isumaqatigiissuteqarsinnaanermut, taamalu atuakkanik atorniartarfik assersuutigalugu Copydan-imut isumaqatigiissutaasunik ingerlatsivittut isumaqatigiissuteqarsinnaaqullugu. Oqaasertat aamma nuutit elektroniskiusumik nassiussanut tunngasut ungasissumiit attartorsinnaanermik piviusunngortitsisinnaajumalluni atuakkanit atorniartarfinniit aamma atuisartunut kingullernut tunngatillugu.

- Peqqusutip §§ 17a-17d-vini pineqarput Marrakesh-imi isumaqatigiissummik atortuulersitsineq, siuarsaajumalluni pilersitanik tamanut saqqummiunneqareersimasunik inunnut tappiitsunut imaluunniit isigiarsuttut allatigulluunniit isigiarsuteqartunut aqutissiuussinissaq. Siunertaasoq tassaavoq atuisinnaanerup annertusarneqarnissaa, aamma killiliussat assigiinngitsut akimorlugit paarlaasseqatigiittarneq atuakkanik, atuakkanik nipitut immiussanik il.il. allanit isigiarsunnikkut atuarniarnermikkulluunniit innarluuteqartunit iluaqutigineqarsinnaasunik. Isumaqatigiissut danskit inatsisaanni ilaalerpoq inatsit nr. 719, 8. juni 2018-imeersoq aqutugalugu.

- Peqqussutip § 24a-mi eqqunneqarpoq isumaqatigiissutinut licensi eqqumiitsulianik tamanut takusassiarineqareersunik atueqqiinnermut. Tamanna isumaqarpoq atueqqiinissamut piumasaqaataasut nammassineqarsimanngikkaluartut §§ 23 aamma 24 naapertorlugit, eqqumiitsuliat atoqqinneqarsinnaasut § 24a naapertorlugu, peqatigiiffiit piginnittussaannermik isumaqatigiissutinik aqutsisuusut akuersissutaannik tunngaveqartumik.
- KNR-ip pisinnaatitaanera § 30a naapertorlugu saqqummersitanik tamanut saqqummiunneqareersunik aallakaatitseqqissinnaanermut, KNR-ip nammineq aallakaatitassiaanut ilaasutut, annertusineqarput pilersitanut tamanut saqqummiunneqareersimasunut 1. januar 2007 sioqqullugu. Peqqussummi maanna atuuttuusumi tamanna 1. januar 1998-iuvoq.
- Peqqussutip § 35-ia ilassuserneqarpoq immikkoortunik 4-7, isumaqatigiissutaasunut licens-inut kabelikkut ingerlatitseqqittarneq pillugu. Allanguut siunertaqarpoq qularnaassallugu isumaqatigiissutaasunut licensinut § 35-mi ilutigisaanik aammalu allanguuteqanngitsumik radiukkut aamma tv-kkut aallakaatitanik ingerlatiteqqittarneq kabel-ikkut ingerlatiteqqittarfitsigullu allatigut, radiukkut tv-kkullu aallakaatitat silaannakkut aallakaateqqinneqartarneri pillugit teknologiimi ineriartornermut naleqqussarneqassasut aammalu periarfissanut nutaanut pingajuusutullu aallakaatitassianik qaqugukkulluunniit isiginnaarneqarsinnaasunik iluaquteqartarneq (/on de mand-udnyttelse).
- Peqqussutip § 50-iani eqqunneqarpoq ataatsimut isigisumik isumaqatigiissutaasunut licensi ingerlatsiviusunut nutaanut, akuersissummik pigisaqartup aamma atuisartup isumaqatigiinnissaanik pisariaqartitsiviusuni. Ilaatigullu Kalaallit Nunaanni ilinniartit taamaasillutik atuisinnaalissapput Danmark-imi ingerlatsiviit periarfissaasa assigisaannik, assersuutigalugu atortorissaarutinik audiovisuel-iusunik atuisarnermut. Aammattaaq oqaatigineqassaaq § 50, imm. 2 malillugu suliat pigineqanngitsunut pisinnaatitaaffiit inissinneqarsinnaammata.
- Siunnersuuteqartoqarpoq § 51-imi aamma § 54-imi oqaasertaliinerit allangortinneqarnissaannik. § 54, imm. 1 naapertorlugu pilersitsisuusup isumaqatigiissuteqarnissaq saqqummiussinnaavaa piginnittuunerup qaammatinik 6-inik siumut ilisimatitsererluni atorunnaarnissaanik, iluaquteqarneq aallartinneqareersimanngippat ukiut 3-t qaangiunneranni isumaqatigiissutip pilersitsisuusumit naammassineqareerneraniit. Maanna § 54, imm. 1-itut atuuttoq naapertorlugu piginnittuunerup isumaqatigiissut atorunnaarsinnaavaa, tiguisup pilersitaq iluaqutiginnaanngippagu piffissap naapertuuttumik sivisussusillip iluani, imaluunniit kingusinnerpaamik ukiut 5-it qaangiunneranni, isumaqatigiissutip piginnittuunermiit naammassineqareerneraniit.
- §§ 63, 65 aamma 66-imi siunnersuutigineqarpoq piffissaq illersuiviusoq sivitsorneqassasoq eqqumiitsuliortunut ingerlatsisunut saqqummersitsisartunullu nipinik immiussanik il.il.

- § 66a eqqumiitsuliortumut ingerlatsisuusumut pisinnaatitsivoq isumaqatigiissutaasimasunik piginnittuunerup ingerlateqqinneqarnera pillugu atorunnaarsitsisinaanermut, pisinnaatitsissut naammattumik iluaqutigineqanngippat.
- Piffissap illersuiffiusup sivitsorneqarnerata kingunerisaanik § 66b-tut ilanngunneqartoq aqqutigalugu aalajangersakkanik nutaanik pilersitsisoqarpoq, eqqumiitsuliortut ingerlatsisuusut pisinnaatitaaffii ukiumut ilassutitut akissarsiassaqaarnissaq pillugu piffissami illersuiffiusumik sivitsuinerup kingunerisaanik.

Aningaasarsiornikkut aamma allaffissornikkut pisortanut kingunerisassai

§§ 16-16b eqqaaneqartut qularnaarissaaq immikkut akuersissutinik arlaqartunik pisortat toqqorsiviinut, atuagaateqarfiinut aamma katersugaasiviinut, taamatullu aamma allannguutinik § 50-imi ilinniartitaanermik ingerlatsiviit isiginnaagassanik tusarnaagassanillu piusunik atuisinnaanerannut ilinniartitsinermut atatillugu. Taamaasillunilu isumaqatigiissuteqartoqarsinnaalissaaq tv-mi film-inik toqqorsivittut kiffartuussivinnut qarasaasiatigut, iPads-ikkut allatigullu atuisinnaanermik.

Aningaasaqarnikkut allaffissornikkullu inuussutissarsiortuni namminersortuni kingunerisassai

Allannguutit § 35-imiittut periarfissiissapput kalaallini tusagassiornermik aallakaatitassiornermillu ingerlatsiviit isumaqatigiissuteqarsinnaalernissaannut ingerlatsivittut aaqqissuussaanernut akiliuteqarnikkut atuisinnaaneq eqqarsaatigalugu. Assersuutigalugu najukkami radioqarfik aamma tv-qarfik isumaqatigiissuteqarsinnaalissaaq pisinnaatitaaffiit tamaasa pillugit, assersuutigalugu taaneqartoq “one-stop-shop”-imik, ilaatigut web-tv-mik aamma kiffartuussinernik digitaliusunik atuisinnaanernut.

Aningaasarsiornikkut aamma allaffissornikkut innuttaasunut kingunerisassai

Naatsorsuutigineqarpoq siunnersuut arlalitsigut ajunngitsunik innuttaasunut sammisunik kinguneqassasoq. Tamanna ilaatigut atuuppoq innuttaasunut isiginiarnermik innarluuteqartunut, eqqumiitsuliornermik ingerlatsisuusunut piffissaq illersuiviusartoq eqqarsaatigalugu, ilassutitut akissarsiassaqaarneq il. il. eqqarsaatigalugittaaq.

Tusarniaaneq

Peqqussut piffissami 14. december 2018-miit 18. januar 2019-imut tusarniaasarnermut quppersakkami tusarniaassutigineqarsimavoq, kiisalu toqqaannartumik tusarniaassutigalugu nassiunneqarsimalluni tusarniarneqartartunut ukununga: Naalakkersuisut Siulittaasuata Naalakkersuisoqarfia, Aningaasaqarnermut Nunanilu Avannarlerni suleqatigiinnermut Naalakkersuisoqarfik, Ineqarnermut Attaveqaqatigiinnermullu Naalakkersuisoqarfik, Pinngortitamut Avatangiisunut Ilisimatusarnarnermullu Naalakkersuisoqarfik, Peqqissutsimut Naalakkersuisoqarfik, Aalisarnermut, Piniarnermut Nunalerinnermullu Naalakkersuisoqarfik, Inuussutissarsiornermut Nukissiuuteqarnermullu Naalakkersuisoqarfik, Isumaginninnermut Inatsisinillu Atortitsinermut Naalakkersuisoqarfik, Aatsitassanut, Suliffeqarnermut Naalakkersuisoqarfik, Sulisitsisut (GE), SIK, NUSUKA, IMAK, NPK, Eqqumiitsuliornermik Ilinniartarfik, Kommuneqarfik Sermersooq, Kommune Kujalleq, Qeqqatta Kommunian, Kommune Qeqertalik, Avannaata Kommunian, Ilisimatusarfik, Kulturministerian, Avannaani

Ilinniarnertuunngorniarfik/Nordgrønlands Gymnasium, Qeqqani
Ilinniarnertuunngorniarfik/Midtgrønlands Gymnasium, Campus Kujalleq, Kalaallit Nunaanni
Teknikkimik Ilinniarfik (KTI), INULI, Imarsionermik Ilinniarfik, NI-Nuuk, Peqqissutsimik
Ilinniarfik, Perorsaanermik Ilinniarfik, Nuuk Internationale Friskole, Nunamut tamarmut
ilitsersuisarfik, Nunatta Atuagaateqarfia, Nunatsinni Isiginnaartitsisarfik, Knud Rasmussen
Højskolia, Villads Villadsen-ip Efterskolia, Maniitsup Efterskolia, Sulisartut Højskoliat, MIO,
Kalaallit Nunaanni inuit pisinnaatitaaffiinut siunnersuisoqatigiit, Eqqartuussissuserisut
Kalaallit, ISI, Inooqat, KTK- tusilartut peqatigiiffiat, KNIPK- Innarluutillit Peqatigiiffiat,
Kalaallit Atuakkiortut, KIMIK, IPIS, Nipilersortattut Kattuffiat, Katuaq, NAPA aamma EPI.

Makkunanga tusarniaanermut akissutinik tigusaqarfiuvoq:

Nunatta Atuagaateqarfia, Inuit pisinnaatitaaffii pillugit Institutsi, MIO, Aningaasaqarnermut
Naalackersuisoqarfik, Aatsitassanut Sulisoqarnermullu Naalackersuisoqarfik,
Isumaginninnermut Inatsisinillu Atuutsitsinermut Naalackersuisoqarfik aamma Nunanut
Allanut Naalackersuisoqarfik, siunnersuummut oqaaseqaateqarsimanngitsoq.

Aammattaaq Gramex-imiit siunnersuummik tapersiisumik, tusarniaanermut akissutinik
tigusaqartoqarsimavoq, kisianni aamma § 68, imm. 4-mut allanngineq pillugu
siunnersuummik saqqummiussisumik, taamaalilluni suliat pineqartutut pissusillit
eqqartuussummik naammassisitsiniaasarfimmit aaqqinneqarsinnaallutik. Tamatumunnga
atatillugu eqqaaneqassaaq, eqqartuussutinik naammassisitsiniaasarfinnik Kalaallit Nunaanni
pilersitsisoqarsimanngimmat, suliat taama ittut sumiiffinni eqqartuussivinni
suliarineqartarmata.

Aammattaaq Copydan AV-peqatigiiffimmit, Gramex-imiit, Atuakkiortut peqatigiiffianniit,
KNR-imiit, GE-imiit, KODA-mit aamma IMAK-imiit tusarniaanermut akissutinik
tigusaqartoqarsimavoq.

Siunnersuummut tapersiummik Copydan AV-peqatigiiffiit saqqummiussipput. Taamaattoq
aamma tusarniaanermut akissummi ajuusaarutigineqarpoq, nammineq atugassanik
kopeerinermut piginnaatitaaffimmik pigisaqartunut akissarsititsinermut maleruagassat pillugit
kopeerinermut Kalaallit Nunanni maleruagassat ingerlaavartumik imaqaassanngimmata,
soorluttaaq nunanut allanut nalunaarummut Danmark-imi atuuttumut nalunaarut nr. 218, 9.
marts 2010-meersumik ilusilimmut innersuussisoqartoq. Tamatumunnga atatillugu,
kissaateqarnermik akuersaarneq Kalaallit Nunaanni bånd-inut immersugaanngitsunut
akitsuutinik maleruagassanik atuutsitsilernissap piumasaqaataanissaa saqqummiunneqarpoq.
Bånd-inut imaqaanngitsunut aaqqiineq Kalaallit Nunaanni piginnittussaataasunut atatillugu
annerusumik sunniuteqassanngimmat, soorluttaaq aaqqiinerup saqqummiunneqarnera
Kalaallit Nunaanni akiliisitsiniaanissamut aaqqissuussinermik pilersitsinissamik
piumasaqaatitaqassasoq, siunertamut naleqqersuussinnaanngitsoq peqqussummik atuuttumik
suliaqarnermut atatillugu nalilerneqarpoq. Taamatut aaqqiineq nunani allani
piginnittussaataanermik pigisaqartunik pingaarnertut iluaqusiinissaa, taamatuttaaq
nalilerneqarpoq.

Taamatuttaaq atuakkiortut peqatigiiffianniit tusarniaanermut akissummik tigusaqartoqarpoq,

aallaqqaasiutitut eqqaaneqarluni, taamaallaat oqaaseqaatiginiarneqarmat, ajunngivissuusoq, atortorissaarutitigut ineriartornerup periarfissiineratigut, neqeroorutiniq nutaanik isumaqatigiinniarnernut matussusiinissamut Kalaallit Nunaanni atuisut aamma piginnaatitaaffimmik pigisaqartut periarfissaqalermata. Peqatigiiffiup maluginiarpaattaaq, Siunnersuutip, 2016-ip kingorna saqqummersimasunik pisarialinnik allannguutiniq Kalaallit Nunaanni peqqussut nutartermagu. Tamatuma saniatigut, tamanna assersuutigalugu Kalaallit Nunanni ilinniagaqarfinni soorlu Qallunaat Nunaanni periarfissanik assingusunik nipinik isiginnaagassanillu atortussianik atuisinnaanermut atatillugu piginnaatitaaffimmik pigisaqartunut atuisunullu nutaanik suliassaqarfinni nutaani isumaqatigiissusiornissamut, peqqussutip § 50-iani licens-imik isumaqatigiissut nalinginnaasoq eqaannerusumik periarfissiimmat, peqatigiiffimmit eqqaaneqarpoq.

Atuakkiortut peqatigiiffianiit eqqaaneqarportaaq, peqqussummi § 2-mut naleqqiullugu piumasatut isiginnaarummi tunisassiaq atorneqarsimappat, pilersitseqqaartut piginnittussaataasumut akiliinissamut maleruagassat ersarissut maqaasineqarmata. Pilersitseqqaartut pigisaqartup suliai atorneqarpata, aningaasatigut piginnaatinneqarneratigut pilersitseqqaartut piginnittup pisassaqartinneratigut, ileqqussatigut pisinnaatitaaffittut piginnaatitaaneq, iluanaarnissaq siunertaralugu suliainik tuniniaanissamut kopeerinissamut, aammalu siammarterinissamut piginnaatitaaneq, pilersitseqqaartut piginnaatitaaneq tassaamat pilersitseqqaartut pigisaqartumut pisussaq, pilersitseqqaartut piginnittup aningaasatigut piginnaatitaanera qulakkeeraa tamatumunnga atatillugu eqqaaneqarpoq. Kopiinik pilersitsiortornissamik, siaruarternissamik, takutitsinissamik aammalu saqqummiussinissamik, pilersitseqqaartut piginnittup kisimi piginnaatitaanera pillugu tunngaviummik aalajangersagaq § 2-mi aalajangerneqarpoq. Tamanna isumaqarpoq, pilersitseqqaartut piginnaatitaaffimminik pigisaqartup illersugaasumik suliainik qarasaasiakkut isiginnaarutitigut akiliisitsilluni aallersitsinissaq siunertaralugu pilersitseqqaartut piginnittoq aammattaaq pilersitseqqaartut piginnaatitaanermik atorluaasinnaasoq. Pilersitseqqaartut piginnaatitaaffikkut akiliinissamut apeqqut isummerfigineqanngilaq, tassami tamanna pilersitseqqaartut piginnittup imaluunniit taassuma sinniisuata, aammalu atuisut akornanni isumaqatigiissummit maleruagassiuunneqassaaq.

KNR-imit eqqaaneqarpoq, aalajangiiffigisassatut siunnersuummi § 30a-mi naqiterinermi kukkusoqarsimasoq naatsorsuutigineqartoq, tassani piffissaritatut killiliussatut 2017-i allaatigineqarmat, peqqussummili 2007-i allassimalluni. Tamanna aalajangiiffigisassatut siunnersuummi naqqinneqarpoq.

Tamatatumunnga peqatigitillugu KNR-imit eqqaaneqarpoq, eqqumiitsuliortut ataasiakkaat suliaannik akiliinermut aammalu atuinermut erseqqissunik maleruagassaqaassasoq isumaqatiginartinneqartoq, kisianni attaveqaatinik nutaanik assersuutigalugu Youtube-imik, Facebook-imik allanillu atuinernut erseqqinnerusumik isummerfiginninneq amigaatigineqarluni. Tamatumunnga atatillugu eqqaaneqassaaq, atuisup attaveqaatinut ikkussaasa imarisaasa annerpaartaat, suliatur naleqarpata, pilersitseqqaartut piginnaatitaanermik pissusilittut isigineqartariaqartut. Suliamut pilersitseqqaartut piginnaatitaanermik piginnittoq suliap amerlanernut siaruarternissaanut kisermaassinissamut pisinnaatitaaffeqartoq, maleruagassani nalinginnaasuni tamanna allassimavoq, amerlanernit

suliamut appakaaffigineqarsinnaanngorlugu imatut, sumiiffimmit nammineq qinikkamit suliap atornissaanut periarfissiinermik tamanna aamma ilaqarpoq. Taamaalilluni pilersitseqqartutut piginnaatitaanermik pigisaqartoq suliaminik attaveqaatinut ikkussinissamut kisermaassinissamut piginnaatitaaffejarpoq. Tamatuma kingunerisaanik, aallaavittut, pilersitseqqartutut piginnaatitaanermik pigisaqartup suliaminik attaveqaatinut ikkussimasanik allat pilersitseqqartutut piginnaatitaanermik pigisaqartoq akuersiteqqartinnagu suliaanik atuisoqarsinnaanngilaq.

Tamatumunnga tulleritillugu KNR-imit eqqaanejarpoq, aammattaaq isummiussineq amigaatigineqarmat assersuutigalugu makkununnga, assersuutigalugu aallakaatitseqqiinerni tusagassiorloq atorfilik qaqugukkut akilerneqassasoq. Tamatumunnga atatillugu eqqaanejarpoq, sulianut kina pilersitseqqartutut piginnaatitaaffejarnerloq pillugu, pilersitseqqartutut piginnaatitaanermut inatsimmi aalajangersagaqarmat, tamatumunnga aamma tusagassiorloq ilaatinnejarlutik. Pilerseqqartutut piginnaatitaaffiup tunniunnera pillugu apeqqummi, assersuutigalugu pilersitseqqartutut piginnaatitaaffimmik atorluaaneq, nalilinnut piginnaatitaanernut isumaqatigiissutit pillugit maleruagassanit nalinginnaasunit maleruagassiunnejarpoq. Taamaattumik tamanna pillugu peqatigiit isumaqatigiissusiortassasut pingaarutejarpoq. Pissutsit isumaqatigiissutinut imaluunniit tamatumunnga isumaqatigiinniutinut ilaatinneqanngippata, sulisitsisup nalinginnaasumik ingerlatsinerminik suliaqarsinnaanissaanut pisariaqartitsiffiunera apeqqutaalluni suliaq sulisitsisumut, tassa KNR-imit, tunniunneqassaaq.

”Nalinginnaasumik suliffejarfik” piviusunik naliliivigineqassaaq sulisitsisumiillu sulisitsisumut allanngorarsinnaalluni. Suliamut aalajangersimasumut tunngasumi, piffissami tamatumani suliap saqqummersinnejarnerani aallakaatitseqqiinissaq assersuutigalugu programmini taamaattuni KNR-ip nalinginnaasumik sulineranut ilaanerloq apeqqutaassaaq.

GE-imit eqqaanejarpoq, pilersitseqqartutut piginnaatitaaffinnut maleruagassat teknikkikkut ineriartorneq naapertorlugu nutarterneqarnissaat kajumissaarutigineqartoq. Tamatumunnga uiggiullugu GE-imit apeqqutiginejarpoq, piginnaatitaaffiit tunniunneqartut naammattumik atorluarneqannginnerinut tunngatillugu piginnaatitaaffimmik tunniussineq pillugu isumaqatigiissummut tunngatillugu unitsitsinermi maleruagassat qanoq paasineqassanersut. Tamatumunnga atatillugu eqqaaneqassaaq, qallunaat inatsisaata allannguutaanut nr. 380, 17. april 2013-imeersumik imaqartumut peqqussummi § 66a-mut apeqqut attuumassuteqartinneqartariaqartoq. Piginnaatitaaffiit atorluarnejarneri pillugit isumaqatigiissut aallaavigalugu naammattumik atorluaaneq pillugu apeqqummut piviusumik nalilerneqassaaq. Taamaalilluni atorluaaneq piviusoq suna pissanerloq, suliamik atorluarnissaq pillugu nalilinnut piginnaatitaaffimmik isumaqatigiissut apeqqutaavoq tamannalu pilersitseqqartutut piginnaatitaanermut inatsimmit maleruagassiugaanngilaq. Inatsimmi allannguummi eqqaaneqartumut nassuiaatini aamma allassimavoq, nipinik immiussat tuniniakkat naammattumik tunisassiat amerlassusaat Rom-imi isumaqatigiissutit suussusersiutaa ilanngussaq 3, litra d-imiittoq naapertorlugu pissasoq. Tassani allassimavoq nipinik immiussanik tunisassiaq amerlanernut naammattumik amerlassusilerlugu pissarsiarineqarsinnaanngortinneqarsimappat ”saqqummersitsineq” pisimassasoq. Aammattaaq allassimavoq, sanaartortoq aalajangersimasumik amerlassusilinnik tunisaqassasoq piunasaqaatigineqarsinnaanngitsoq, taamaallaalli tamakkua tuniniagassanngortissinnaagai taamaalilluni nipinik immiussaq pissarsiarineqarsinnaanngorlugu.

Ukiuni kingullerni Danmarkimi teknikkikkut ineriartortitsineq peqqutaalluni piginneqartussaataaneq pillugu allannguutit arlaqartut Kalaallit Nunaanni atuutilissasut KODA-p ilalerlugit oqaatigaa.

Eqqumiitsuliortunut atugassarititaasut pitsaanerulernerinik kinguneqassammat, siunnersuummut ajunngitsumik isummertoqartoq, IMAK-mi peqatigiiffimmiit tusarniaanermut akissummi allaatigineqarpoq. Taamaattoq IMAK-i isumaqarpoq, oqaaseq ”piginnaanikillisisimaneq” innarluutilimmik allassimasoqarfiinut ilanngunneqartariaqartoq. Tamanna isumaqassaaq, assersuutigalugu “inuit isigiarsuttut, atuffarluttut, tusaaniarnermilluunniit innarluutillit/ piginnaanikillisisimasut” peqqussummi § 17-imi allassimassasoq. Tamatumunnga atatillugu eqqaaneqassaaq, aalajangersakkat attuumassutillit inatsit nr. 719, 8. juni 2018-imeersup assigimmagu. Taaneqartut Marrekesh-traktat-imik taaneqartoq inatsimmi ilanngunneqarpoq, taassuma atuakkat, nipimik atuakkat, allallu attaveqaatini pissarsiarineqarsinnaasuni inunnu isiginiarnermik- atuarniarnermilluunniit innarluutilinnut pissarsiariuminarnerunissaasa qulakkeernissaat siunertaralugu. Tamatumunnga peqatigitillugu traktat-ip tamakkuninnga atuakkanik nunat akunnerminni, traktak-imut ilannguttunut killeqarfiit akimorlugit avitseqatigiittarnissap annertusarnissaa siunertaraa. Piginnaatitaaffiit assigiissaarneqarnerat eqqarsaatigalugu maleruagassat allanqeqrarnerata allaqqaarnerat piginnarneqassasoq pissusissamisoortutut nalilerneqarpoq.

	Oqaaseqaatit	Tusarniaa- vigineqartut	Ikkunneqar- nerat	Pequtigineqartoq
1	Siunnersuummut oqaaseqaateqanngilaq	Nunatta Atuagaate- qarfia	Naamik	Siunnersuummut allannguutissanik oqaaseqaatit kinguneqanngillat
2	Siunnersuummut oqaaseqaateqanngilaq	Nunanut Allanut Naalakker- suisoqarfik	Naamik	Siunnersuummut allannguutissanik oqaaseqaatit kinguneqanngillat
3	Siunnersuummut oqaaseqaateqanngilaq.	Aatsitassa- nut Sulisoqar- nermullu Naalakker- suisoqarfik	Naamik	Siunnersuummut allannguutissanik oqaaseqaatit kinguneqanngillat.
4	Siunnersuummut oqaaseqaateqanngilaq.	Isumagin- ninnermut Inatsisinillu Atuutsitsi- nermut Naalakker- suisoqarfik	Naamik	Siunnersuummut allannguutissanik oqaaseqaatit kinguneqanngillat.
5	Siunnersuummut oqaaseqaateqanngilaq.	MIO	Naamik	Siunnersuummut allannguutissanik oqaaseqaatit

				kinguneqanngillat
6	Iluaarput, inatsisiliorneq qallunaat inatsisiliornerannut atuuttumut assingummat. Uagutsinnut suliniarneq oqinnerulersippaa.	Gramex-i	Naamik	Siunnersuummut allannguutissanik oqaaseqaatit kinguneqanngillat.
6.1	Siunnersuutituaraarput § 68, imm. 4-mut allanngueq pillugu siunnersuummik saqqummiussisumik, taamaalilluni suliat pineqartutut pissusillit eqqartuussummik naammassisitsiniaasarfimmit aaqqinneqarsinnaallutik.	Gramex-i	Naamik	Eqqartuussutunik naammassisitsiniaasarfinnik Kalaallit Nunaanni pilersitsisoqarsimanngimmat, suliat taama ittut sumiiffinni eqqartuussivinni suliarineqartarmata.
7	Tassani pineqarpoq assut piginnaassuseqartumik allaqqitassiaq oqimaaqatigiissunik pingaarutilinnillu allannguutunik imalik, Kalaallit Nunaanni pilersitseqqaartutut piginnaatitaaffimmik inatsimmik nunanut avannarlernut qarasaasiakkullu ineriartornermut nallersuussinnaanissaanik angusaqarfiusussamik.	Copydan AV-peqatigiiffiit	Naamik	Siunnersuummut allannguutissanik oqaaseqaatit kinguneqanngillat.
7.1	Kalaallit Nunaanni ingerlatsiviit ingerlatseqatigiinnerisigut § 50, imm. 2-mi licensimut isumaqatigiissuteqarsinnaanerup nalinginnaasup eqqunneqarnera piginnaatitaaffiit akuersissutigineqarnissaannut periaatsip eqaatsup oqinnerusullu tungaanut malunnaatilimmik alloriarneruvoq	Copydan AV-peqatigiiffiit	Naamik	Siunnersuummut allannguutissanik oqaaseqaatit kinguneqanngillat.
7.2	Tamakkua tv-qarnikkut siaruarterisut annertuumik kissaatigisimasaattut § 35, imm. 4-mi aamma 5-imi licensimut isumaqatigiissutinut aalajangersakkat nassatarissavaat Copydan Verdens TV-mik isumaqatigiissuteqarneq	Copydan AV-peqatigiiffiit	Naamik	Siunnersuummut allannguutissanik oqaaseqaatit kinguneqanngillat.

	malillugu Kalaallit Nunaanni tv-qarnikkut siaruarterisut qarasaasiakkut siaruartereriaatsit nutaat atorsinnaalissammatigit.			
7.3	1998-imiit 2007-ip tungaanoortumi § 30a-mi licensimut isumaqatigiissummi piffissarititap killiliiffigineqarnerata allangortinneqarnerata piginnaatitaaffimmik pigisaqartunik isumaqatigiissutit malillugit KNR-imut toqqorsivimmiittuutitsialannik ajornanginnerusumik atorluaasinnaassutigilissavaa.	Copydan AV-peqatigiiffiit	Naamik	Siunnersuummut allannguutissanik oqaaseqaatit kinguneqanngillat.
7.3	Ingerlatitseqqiinituaraarput manna, nammineq atugassanik kopeerinermi piginnaatitaaffinnik pigisaqartunut akissarsianik Kalaallit Nunaanni peqqussut suli imaqartussaangimmat. Tamatuma kingunerisaanik Kalaallit Nunaanni piginnaatitaaffinnik pigisaqartut aallaavittut nunanit allaniit akissarsianut aaqqiinerniit, tak. Nunat allat pillugit nalunaarut, nammineq atugassanik kopeerinermi akissarsiassanut pissarsinissamut piginnaatitaffilerneqaratik.	Copydan AV-peqatigiiffiit	Naamik	Kissaateqarnermik akuersarneq Kalaallit Nunaanni bånd-inut immersugaanngitsunut akitsuutinik maleruagassanik atuutsitsilernissap piumasaqaataanissaa saqqummiunneqarpoq. Bånd-inut imaqanngitsunut aaqqiineq Kalaallit Nunaanni piginnittussaataitasunut atatillugu annerusumik sunniuteqassanngimmat, soorluttaaq aaqqiinerup saqqummiunneqarnera Kalaallit Nunaanni akiliisitsiniaanissamut aaqquissuussinermik pilersitsinissamik piumasaqaatitaqassasoq, siunertamut naleqqersuussinnaanngitsaq peqqussummik atuuttumik suliaqarnermut atatillugu nalilerneqarpoq. Taamatut aaqqiineq nunani allani piginnittussaataitanermik pigisaqartunik

				pingaarnertut iluaqusiinissaa, taamatuttaaq nalilernerqarpoq.
8	KNR-imit ilimagineqarpoq, aalajangiiffigisassatut siunnersuummi § 30a-mi naqiterinermi kukkusoqarsimasoq naatsorsuutigineqartoq, tassani piffissarititatus killiliussatut 2017-i allaatigineqarmat.	KNR	Aap	Peqqussutitut siunnersuummi § 30a-mut ukiua naapertuuttunngorlugu Ukiua 2007-imut iluarsineqarpoq.
8.1	Attaveqaatinik nutaanik assersuutigalugu Youtube-imik, Facebook-imik allanillu atuinernut erseqqinnerusumik isummerfiginninneq amigaatigineqarpoq.	KNR	Naamik	Tamanna nalinginnaasunut pilersitseqqaartutut piginnaatitaaffinnut maleruagassanut ilaatinneqarpoq. Atuisup attaveqaatinut ikkussaasa imarisaasa annerpaartaat, suliatus naleqarpata, pilersitseqqaartutut piginnaatitaanermik pissusilittut isigineqartariaqartut. Suliamut pilersitseqqaartutut piginnaatitaanermik piginnittoq suliap amerlanernut siaruarnernissaanut kisermaassinissamut pisinnaatitaaffeqartoq, maleruagassani nalinginnaasuni tamanna allassinavoq, amerlanernit suliamut appakaaffigineqarsinnaan- ngorlugu imatus, sumiiffimmit nammineq qinikkamit suliap atornissaanut periarfissiinermik tamanna aamma ilaqarpoq. Taamaalilluni pilersitseqqaartutut piginnaatitaanermik pigisaqartoq suliaminik

				<p>attaveqaatinut ikkussinissamut kisermaassinissamut piginnaatitaaffeqarpoq. Tamatuma kingunerisaanik, aallaavittut, pilersitseqqaartutut piginnaatitaanermik pigisaqartup suliaminik attaveqaatinut ikkussimasanik allat pilersitseqqaartutut piginnaatitaanermik pigisaqartoq akuersiteqqaartinnagu suliaanik atuisoqarsinnaanngilaq.</p>
8.2	<p>Assersuutigalugu qaqugukkut tusagassiortoq atorfilik aallakaatitseqqiinerni akissarsisinneqarnissaa pillugu isummiussineq amigaatigineqarpoq</p>	KNR	Naamik	<p>Tamanna nalilinnut piginnaatitaaffinnut isumaqatigiissutit pillugit maleruagassanit nalinginnaasunut ilaatinneqarpoq. sulianut kina pilersitseqqaartutut piginnaatitaaffeqarnersoq pillugu, pilersitseqqaartutut piginnaatitaanermut inatsimmi aalajangersagaqarmat, tamatumunnga aamma tusagassiorlut ilaatinneqarlutik. Pilerseqqaartutut piginnaatitaaffiup tunniunna pillugu apeqqummi, assersuutigalugu pilersitseqqaartutut piginnaatitaaffimmik atorluaaneq, nalilinnut piginnaatitaanernut isumaqatigiissutit pillugit maleruagassanit nalinginnaasunit maleruagassiuunneqarpoq.</p>

				<p>Taamaattumik tamanna pillugu peqatigiit isumaqatigiissusiortassasut pingaaruteqarpoq. Pissutsit isumaqatigiissutinut imaluunniit tamatumunnga isumaqatigiinniutinut ilaatinneqanngippata, sulisitsisup nalinginnaasumik ingerlatsinerminik suliaqarsinnaanissaanut pisariaqartitsiffiunera apeqqutaalluni suliaq sulisitsisumut, tassa KNR-imut, tunniunneqassaaq. ”Nalinginnaasumik suliffeqarfik” piviusunik nalilivigineqassaaq sulisitsisumiillu sulisitsisumut allanngorarsinnaalluni. Suliamut aalajangersimasumut tunngasumi, piffissami tamatumani suliap saqqummersinneqarnerani aallakaatitseqqiinissaq assersuutigalugu programmini taamaattuni KNR-ip nalinginnaasumik sulineranut ilaanersoq apeqqutaassaaq.</p>
9	Eqqumiitsuliortut atugassarititaanut pitsannguutininik siunnersuut nassataqassaaq.	IMAK	Naamik	Siunnersuummut allannguutissanik oqaaseqaatit kinguneqanngillat.
9.1	oqaaseq ”piginnaanikillisimaneq” innarluutilimmik allassimasoqarfiinut ilanngunneqartariaqartoq. Tamanna isumaqassaaq, assersuutigalugu “inuit isigiarsuttut, atuffarluttut, tusaaniarnermilluunniit innarluutilit/	IMAK	Naamik	Aalajangersakkat attuumassutillit inatsit nr. 719, 8. juni 2018-imeersup assigimmagu. Taaneqartutut Marrekesh-traktat-imik taaneqartoq inatsimmi ilanngunneqarpoq, taassuma atuakkat, nipimik atuakkat, allallu

	piginnaanikillisimasut” peqqussummi § 17-imi allassimassasoq.			attaveqaatini pissarsiarineqarsinnaasuni inunntut isiginiarnermik- atuarniarnermilluunniit innarluutilinnut pissarsiariuminarnerunissa asa qulakkeernissaat siunertaralugu. Tamatumunnga peqatigitillugu traktat-ip tamakkuninnga atuakkanik nunat akunnerminni, traktak-imut ilannguttunut killeqarfiit akimorlugit avitseqatigiittarnissap annertusarnissaa siunertaraa. Piginnaatitaaffiit assigiissaarneqarnerat eqqarsaatigalugu maleruagassat allanneqarnerata allaqqaarnerat pigiinneqassasoq pissusissamisoortutut nalilerneqarpoq.
10	Pitsaasuvoq kalaallit atuisut aamma piginnaatitaaffinnik pigisaqartut atortorissaarutitigut ineriartornerup periarfissiineratigut neqeroorutit nutaat isumaqatigiissutinik matussusersinnaanissaannut periarfissaqalissammata.	Atuakkior- tut peqatigiiffi- at	Naamik	Siunnersuummut allannguutissanik oqaaseqaatit kinguneqanngillat.
10. 1	Kalaallit Nunaannut peqqussut 2016-ip kingorna saqqummersunik attuumassutilinnik allannguutitalik Siunnersuummik nutarterneqarpoq.	Atuakkior- tut peqatigiiffi- at	Naamik	Siunnersuummut allannguutissanik oqaaseqaatit kinguneqanngillat.
10. 2	Tamanna assersuutigalugu Kalaallit Nunanni ilinniagaqarfinni soorlu Qallunaat Nunaanni periarfissanik assingusunik nipinik isiginnaagassanillu	Atuakkior- tut peqatigiiffi- at	Naamik	Siunnersuummut allannguutissanik oqaaseqaatit kinguneqanngillat.

	atortussianik atuisinnaanermut atatillugu piginnaatitaaffimmik pigisaqartunut atuisunullu nutaanik suliassa qarfinni nutaani isumaqatigiissusiornissamut, peqqussutip § 50-iani licens- imik isumaqatigiissut nalinginnaasumik taaneqartoq eqaannerusumik periarfissiimmat, peqatigiiffimmit eqqaaneqarpoq.			
10. 3	Peqqussummi § 2-mut naleqqiullugu piumasatut isiginnaarummi tunisassiaq atorneqarsimappat, pilersitseqqaartutut piginnittussaataasumut akiliinissamut maleruagassat ersarissut maqaasineqarmata.	Atuakkior- tut peqatigiiffi- at	Naamik	pilersitseqqaartutut piginnaatitaaffimmik pigisaqartup illersugaasumik suliaminik qarasaasiakkut isiginnaarutitigut akiliisitsilluni aallersitsinissaq siunertaralugu pilersitseqqaartutut piginnittoq aammattaaq pilersitseqqaartutut piginnaatitaanermik atorluaasinnaasoq. Pilersitseqqaartutut piginnaatitaaffikkut akiliinissamut apeqqut isummerfigineqanngilaq, tassami tamanna pilersitseqqaartutut piginnittup imaluunniit taassuma sinniisuata, aammalu atuisut akornanni isumaqatigiissummit maleruagassiuunneqassaaq .
11	Pilersitseqqaartutut piginnaatitaaffinnut maleruagassat teknikkikkut ineriartorneq naapertorlugu nutarterneqarnissaat kajumissaarutigineqartoq.	GE	Naamik	Siunnersuummut allannguutissanik oqaaseqaatit kinguneqanngillat
11. 1	Piginnaatitaaffiit tunniunneqartut naammattumik atorluarneqannginnerinut tunngatillugu	GE	Naamik	Piginnaatitaaffiit atorluarneqarneri pillugit isumaqatigiissut aallaavigalugu

	<p>piginnaatitaaffimmik tunniussineq pillugu isumaqatigiissummut tunngatillugu unitsitsinermi maleruagassat qanoq paasineqassanersut.</p>		<p>naammattumik atorluaaneq pillugu apeqqummut piviusumik nalilernerqassaaq. Taamaalilluni atorluaaneq piviusoq suna pissanersoq, suliamik atorluarnissaq pillugu nalilinnut piginnaatitaaffimmik isumaqatigiissut apeqqutaavoq tamannalu pilersitseqqartutut piginnaatitaanermut inatsimmit maleruagassiugaanngilaq. Inatsimmi allannguummi eqqaaneqartumut nassuiaatini aamma allassimavoq, nipinik immiussat tuniniakkat naammattumik tunisassiat amerlassusaat Rom-imi isumaqatigiissutip suussusersiutaa ilanngussaq 3, litra d- imiittoq naapertorlugu pissasoq. Tassani allassimavoq nipimik immiussanik tunisassiaq amerlanernut naammattumik amerlassusilerlugu pissarsiarineqarsinnaanngo rtinneqarsimappat ”saqqummersitsineq” pisimassasoq. Aammattaq allassimavoq, sanaartortoq aalajangersimasumik amerlassusilinnik tunisaqassasoq piumasaqaatigineqarsinnaa nngitsoq, taamaallaalli tamakkua tuniniagassanngortissinnaa gai taamaalilluni nipinik immiussa pissarsiarineqarsinnaan-</p>
--	--	--	---

				ngorlugu.
12	Siunnersuummut oqaaseqaateqanngilaq	Inuit pisinnaatita affii pillugit institutsi	Naamik	Siunnersuummut allannguutissanik oqaaseqaatit kinguneqanngillat.
13	Siunnersuummut oqaaseqaateqanngilaq	Aningaasa- qarnermut Naalakker- suisoqarfik	Naamik	Siunnersuummut allannguutissanik oqaaseqaatit kinguneqanngillat.
14	Ukiuni kingullerni Danmarkimi teknikkikkut ineriartortitsineq peqqutaalluni piginnEQartussaataaneq pillugu allannguutit arlaqartut Kalaallit Nunaanni atuutilissasut KODA- p ilalerlugit oqaatigaa.	KODA	Naamik	Siunnersuummut allannguutissanik oqaaseqaatit kinguneqanngillat.

Inassut

Naalakkersuisut inassutigaat Inatsisartut ilalissagaat Naalakkersuisut danskit kulturministeriannut nalunaaruteqassasut Namminersorlutik Oqartussat ilaleraat piginnittuunermut inatsisip Kalaallit Nunaannut atortuulersinneqarnissaa, ilanngunneqartumi Kunngip peqqussutissaatut siunnersuummi allanneqartutut.

Ilanngussat

- Peqqussutip eqikkarneqarnera piginnittuunermut inatsisip Kalaallit Nunaannut atortuulersinneqarnissaa pillugu.
- Kunngip peqqussutaa piginnittuunermut inatsimmik Kalaallit Nunaanni atortuulersitsineq pillugu.